



ATASSUT INATSIARTUNI

ATASSUT

UKA 2013/84-1

Gerhardt Petersen

03.10.2013

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup allangortinneqarnissaanut Naalakkersuisut peqquneqarnissaannut Inatsisartut aalajangiiffigisassaattut siunnersuut, imaalillugu Inatsisartut ukiut tulleriissut aappassaanni nunatta karsiata naatsorsuutaanik aatsaat akuersereeraangata aningaasaateqarfik aallartinneqartassasoq, aatsaallu ukiumi naatsorsuiffiusumi aatsitassanit isertitat 10 millioner kroninit annertunerusimappata. Inatsisartut inatsisaat ukiup tullissaani 1. januarimi atuutilissaaq imaluunniit Naalakkersuisut aalajangiippata siusinnerusukkut. 10 millioner kronit taaneqartut Inatsisartut ukiumi pineqartumi Aningaasaqarnermut inatsisaat naapertorlugu ataatsimut isigalugu akit akissarsiallu nalingannut naleqqussarneqartassapput.

(Inatsisartunut ilaasortaq Naaja Nathanielsen, Inuit Ataqtigiit)

Inuit Ataqtigiit sinnerlugit Inatsisartuni ilaasortap Naaja Nathanielsen-ip matumani siunnersuutaa Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allangortinneqarnissaanik siunertaqarluni, taamaalillunilu Inatsisartut ukiut tulleriissut aappassaanni nunatta karsiata naatsorsuutaanik aatsaat akuersereeraangata aningaasaateqarfik aallartinneqartassasoq aatsaallu ukiumi naatsorsuiffiusumi aatsitassanit isertitat 10 mio. kr. annerunerusimappata.

ATASSUT-mit isumaqarpugut Aatsitassarsiornermi Aningaasaateqarfik ullumikkut inatsisitigut sinaakkutaannarmigut suli piugaluartoq piviusiorsiortumik aammalu inuiaqtigiit pisariaqartitaannut naapertuuttumik tunngavilimmik ingerlanneqartariaqartoq.



ATASSUT INATSIARTUNI

Matumani siunnersuummi tunngavilersorluagaasumi Inatsisartut Inuussutissarsiornermut Ataatsimiititaliaata innersuussutaasa naammassineqarnissaat ujartorneqarpoq (UKA2012-52), Inatsisartunut qinersinerup kingunerisaanik naammassineqarsimanngitsoq.

Siunnersuut Inatsisartut siuliini partiit tamarmik ataatsimiititaliaq aqutigalugu katersuuffigeriigaat ATASSUT-mit attapparput, taamaammallu inassutigissavarput aappassaaneerseqartinnagu Inatsisartut Inuussutissarsiornermut Ataatsimiititaliaanut suliassanngortinneqassasoq.